



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Commendatori & fratribus domus militiae Templi sitae apud Montem
Pessulanum.

urn:nbn:de:hbz:466:1-20006

ris rigore possemus, necessitatem tamen terræ orientalis diligentius attendentes, discretioni vestræ per apostolica scripta mandamus & districtè præcipimus quatenus à festo omnium sanctorum proximo venturo usque ad annum, quod vobis peremptorio assignamus, ad respondendum sufficienter instructi, nostro vos conspectui præsentetis per sufficientes & idoneos responsales. Quòd si nec ad præsentiam nostram accesseritis termino constituto, nec transactioni steteritis quæ per felicis recordationis Eugenium Papam prædecessorem nostrum inter eandem Ecclesiam intercessit, vel aliàs cum venerabili fratre nostro Patriarcha & dilectis filiis Canonicis Antiochen. curaveritis convenire, nos, concedente Domino, sicut justum fuerit, procedemus. Datum Laterani III. Nonas Ianuarij.

FRATRIBVS MILITIÆ Templi.

I Vstis petentium &c. usque ad verbum assensu, stagnum de Cucullo cum omnibus pertinentiis suis, & totum mansum de Granoliis, quæ à Fulcrando Magalonenfis Ecclesiæ Præposito de consilio & assensu venerabilis fratris nostri Magalonen. Episcopi rationabiliter comparastis, sicut ea justè ac pacificè possidetis, & in venditionis scripto continetur, devotioni vestræ auctoritate apostolica confirmamus, & præsentis scripti pagina communimus. Statuentes ut nulli &c. Datum Laterani IV. Nonas Ianuarij.

COMMENDATORI & fratribus domus militiæ Templi sitæ apud Montem Pessulanum.

E A quæ de mandato sedis apostolicæ concordia vel iudicio statuuntur, firma debent & illibata consistere, & ne in recidivæ contentions scrupulum relabantur, apostolico convenit patrocinio communiri. Sanè cum controversiam quæ inter vos & dilectos filios G. Præpositum & Capitulum Magalonen. super diversis capitulis vertebatur, bonæ memoriæ Celestinus Papa prædecessor noster venerabili fratri nostro Archiepiscopo Arelatensi commiserit sine canonico decidendam, ipse, tanquam vir providus & discretus, partibus in sua præsentia constitutis, communicato multorum consilio, controversiam ipsam ami-

cabili compositione sopivit. Nos itaque ad exemplar ejusdem prædecessoris nostri, compositionem ipsam, sicut ipsa sine pravitate facta est & ab utraque parte recepta, & in instrumento authentico exinde confecto plenius continetur, ratam habentes & firmam, eam auctoritate apostolica confirmamus, & præsentis scripti pagina communimus. Et ut majorem obtineat firmitatem, ipsam de verbo ad verbum huic præsentis paginæ duximus inferendam, cujus tenor talis est.

I N N O M I N E Domini nostri Jesu Christi. Anno incarnationis ejusdem MCXCVII. mense Aprili. Cùm omne profuturæ rei stabilimentum, ne transeunte tempore evanescat, literarum oporteat testimonio præsignari, præsentium & futurorum memoriæ per hujus præsentis paginæ instrumentum dignum fuit demonstrare quòd causa quæ inter Guidonem Præpositum & Capitulum Magalonen. ex una parte, & P. de Caprespina Commendatorem domus militiæ Templi sitæ apud Montem Pessulanum & fratres ejusdem domus ex altera parte, super multis & variis capitulis, videlicet super oblationibus, vigiliarum perceptionibus, cæmeterij obventionibus, decimis, Ecclesiarum novarum constructionibus, possessionibus, damnis, injuriis, & invasionibus, & aliis multis querelis, coram Domino Hymberto Dei gratia Archiepiscopo Arelaten. à Domino Celestino bonæ memoriæ Papa tertio delegato hinc inde vertebatur, post multas & varias contentiones & altercationes ab eodem Archiepiscopo amicabili compositione de utriusque partis assensu, & auctoritate Deodati de Breifaco tunc temporis Magistri domorum militiæ Templi in Narbonen. & Arelaten. & aliis provinciis, in hunc modum fuit decisa. Prædictus itaque Archiepiscopus, assidentibus ei magistro Michaële Arelaten. Sacrista, P. Alberto causidico Aquensi, magistro Nicolao, R. de Montiliis, P. Petito, communicato eorum & utriusque partis consilio definiivit quòd de cetero Prior sancti Firmini & Canonici Magalonen. tertiam partem omnium oblationum denariorum, cancellarum, panis, vini, & aliorum, cujuscunque modi sint, sive sint oblatae ad manum sacerdotis, sive ad altare in Ecclesia domus prædictæ, integrè & sine diminutione percipiant. In præcipuis ve-

Epist. 506. Ceterum bonorum auctoritate apostolica confirmat.

Epist. 507. Transactionem inter ipsos & Præpositum atque Capitulum Magalonen. olim in eam confirmat.

» rò solennitatibus, scilicet Natalis Do-
 » mini, beati Stephani, beati Iohannis Evan-
 » gelistæ, Epiphaniæ, Ramis palmarum,
 » sancti Paschæ, Ascensionis, Pentecostes,
 » Assumptionis & Purificationis beatæ Ma-
 » riæ, & omnium sanctorum, medietatem
 » percipiant. In candelis autem vigiliarum
 » nihil accipiant. In omnibus verò cæmi-
 » terij obventionibus, & mortuorum le-
 » gatis, seu relictis, cum apud eos elegerint
 » sepulturam, omnium rerum tam
 » mobilium quam immobilium vel se mo-
 » ventium, cuiuscunque modi vel gene-
 » ris sint, Prior & Canonici Magalonen.
 » tertiam partem integrè percipiant, ex-
 » ceptis armis & armaturis & equis. Si ve-
 » rò decedens, pro armis vel equis emen-
 » dis pecuniam vel terram vel aliam quam-
 » liber rem prædictæ domui legaverit, vel
 » reliquerit, in his omnibus, & etiam in
 » obventionibus illorum quibus infirman-
 » tibus Templarij signum suæ religionis im-
 » posuerint, pallium scilicet cum cruce,
 » vel aliud, nihilominus dicti Canonici ter-
 » tiam partem percipiant; nisi tales fue-
 » rint qui voto solenni & perpetuo cum
 » voluntate morandi, si evaserint, se do-
 » muï Templi pro fratribus tradiderint,
 » & qui ad domum sine alterius personæ
 » sustentaculo pedites vel equites venire
 » poterunt. In quorum obventionibus,
 » etiam si in illis ægritudinibus decesserint,
 » & in obventionibus familiæ domus Tem-
 » pli ibi morantis, dicti Canonici nihil ac-
 » cipiant. Decimas quoque totius bladi &
 » leguminum, cuiuscunque generis sint,
 » & vini in integrum in pace & sine con-
 » tradictione Canonici Magalonen. perci-
 » piant; & his contenti, nihil aliud quære-
 » re possint. In decimis verò novalium, in
 » hortis, & arboribus, & pratis, & anima-
 » lium nutrimentis, cuiuscunque generis
 » sint, dicti Canonici nihil percipiant. Item
 » diffinivit Dominus Archiepiscopus cum
 » assessoribus prædictis, quod Templarij
 » apud Lunellum vel in tota diocesi Ma-
 » galonensi Ecclesiam vel Oratorium non
 » construant, nec cæmiterium habeant si-
 » ne voluntate Episcopi & assensu Eccle-
 » siæ Magalonenfis, & illud Oratorium,
 » quod apud Lunellum inceptum esse vi-
 » debatur, omnino removeatur. Posses-
 » siones verò stagni de Cucullo cum per-
 » tinentiis suis, & mansum de Granolet
 » cum pertinentiis suis, quæ quondam
 » emerunt à Fulcrando quondam Præpo-
 » sito Magalonsi, Templarij sine in-

quietatione & vexatione aliqua in pace
 habeant & possideant. De damnis datis
 super abductione pecorum & animalium
 domus militiæ Templi à Canonicis Ma-
 galonensibus, & aliis damnis, injuriis, &
 invasionibus hinc inde illatis, bonum
 finem & mutuam remissionem inter se
 tam Templarij quam Canonici Magalo-
 nen. fecerunt. Præterea excommunicatos
 vel interdictos Magalonen. Ecclesiæ
 ad Ecclesiam vel sepulturam Templa-
 rij nullo modo recipiant. Et si Episcopus
 vel Prior parochialis Ecclesiæ populum
 ab aliis Ecclesiis convocare decreverit,
 tunc Templarij ad Ecclesiæ officium nul-
 lum admittant, donec aliæ Ecclesiæ po-
 pulum recipiant. Et ego G. Magalonen.
 Præpositus, & ego P. de Agrifolio Ar-
 chidiaconus, & ego Michaël, & ego G.
 de Altiniaco, voluntate & assensu Maga-
 lonen. Capituli missi, omnia supradicta in
 perpetuum valitura laudamus, & confir-
 mamus, & in proximo generali Capitulo
 Magalonen. laudari & confirmari faci-
 emus, & hoc idem pro posse nostro faci-
 emus à Summo Pontifice confirmari.
 Et ego frater Deodatus de Breifaco Mag-
 gister domorum Templi in Narbonen. &
 Arelaten. & aliis provinciis, & ego frater
 P. de Caprespina Commendator domus
 Montipessulani, & ego frater G. de So-
 lario Commendator domus Arelatenfis,
 voluntate & assensu fratris Pontij de Ri-
 gaudo Magistri in citramarinis partibus,
 omnia supradicta in perpetuum valitura
 laudamus, & confirmamus, & in pro-
 ximo generali Capitulo Templi ea lauda-
 ri & confirmari faciemus, & hoc idem
 pro posse nostro faciemus à Summo Pon-
 tifice confirmari. Acta apud Arelatum
 in palatio Domini Archiepiscopi, in præ-
 sentia & testimonio P. Malauræ Caput-
 scholæ, Privati Vestiarij, W. Helix In-
 firmarij, G. Enguirani Eleemosynarij, G.
 de Berra, P. Hyfnardi, B. de Monins, Rost.
 Capellani Domini Archiepiscopi, Pon-
 Prioris Capellani ejusdem, Hyfnardi de
 sancto Amantio, Michaëlis Clerici Do-
 mini Archiepiscopi, B. de Olivario, Alde-
 berti de Novis, G. Raymundi de Mol. P.
 Bruni, Pont. scutarij, Franceschi, Jacobi,
 Columbi Notarij Regis Aragonen. P. No-
 tarij Domini Archiepiscopi, qui scripsit
 hæc. J Nulli ergo &c. Datum Laterani II.
 Kalendas Ianuarij.